

Մրցույթի հրավեր

Հենանշման միջոցով ՀՀ համայնքների կողմից ծառայությունների և գործառույթների ինքնագնահատման էլեկտրոնային գործիքի/առցանց հարթակի ստեղծման նպատակով

Երևան

11-ը նոյեմբերի, 2020թ

Առաջադրանքի համատեքստը

«Ուրբան» հիմնադրամը ՀՀ 10 փորձնական համայնքներում իրականացնում է «**Սովորել՝ համեմատելով**» ծրագիրը, որի նպատակն է ՏԻՄ-երում ձևավորել կարողություններ՝ մատուցվող ծառայությունների և գործառույթների կատարողականը **ինքնագնահատելու** համար: Դիտարկման համար ընտրվել են 4 լիազորություններ՝ աղբահանություն, նախադպրոցական կրթություն, քաղաքացիների մասնակցություն և սոցիալական ծառայություններ, նկարագրվել ու մշակվել են ցուցիչներ՝ դրանցից յուրաքանչյուրի գնահատման համար: Համայնքները հավաքում և լրացնում են թվային տվյալներ յուրաքանչյուր ցուցիչի վերաբերյալ, որոնք հետո վերլուծվում և վիզուալիզացվում են:

Ընտրված գործառույթների վերաբերյալ համայնքներից հավաքագրած ու վերլուծված տվյալները չեն ծառայում որպես վերադաս կամ լիազոր մարմինների կողմից վերահսկողություն կամ ստուգում իրականացնելու միջոց, այլ օգնում են ՏԻՄ-ին՝ կայացնելու տվյալների վրա հիմնված որակյալ կառավարչական որոշումներ: Այդուհանդերձ, Հենանշման կարևոր բաղադրիչ է գործընկեր համայնքների միջև տվյալների փոխանակումը և քննարկումները, որոնց նպատակն է համեմատելով ցուցիչների արդյունքները, ծանոթանալ գործընկեր համայնքների դրական գործելակերպին՝ հետագայում դրանցից դասեր քաղելու և կատարողականը (և տվյալները) բարելավելու նպատակով:

Փորձնական այս փուլում գործիքը դեռևս կիրառվում է համայնքների համար, սակայն «Ուրբան» հիմնադրամը ակնկալում է հաջողակ դիմորդից ստանալ ունիվերսալ գործիք/հարթակ, որը բացի ՏԻՄ-երից հնարավորություն կտա նաև այլ կազմերպություններին և հաստատություններին (օրինակ՝ հասարակական կազմակերպություններին, ջրօգտագործողների ընկերություններին, համատիրություններին և այլն) ևս իրականացնել ինքնագնահատում և բարելավել իրենց աշխատանքների որակն ու արդյունավետությունը:

Առաջադրանքի նպատակը և պահանջները

Սույն առաջադրանքի նպատակն է ստեղծել էլեկտրոնային գործիք, առցանց հարթակ՝ տվյալների ներմուծումը, պահպանումը, վերլուծումը և ներկայացումը դյուրացնելու համար: Գործիքից օգտվող ՏԻՄ-երը իրենց անհատական հաշվով մուտք կգործեն համակարգ և

կլրացնեն տարվա տվյալները՝ մուտքագրման ընթացքը պահպանելու հնարավորությամբ: Մուտքագրումն ավարտելուց հետո, ամփոփ տվյալները տեսանելի կլինեն գործիքի «հանրային» բաց տիրույթում:

«Ուրբան» հիմնադրամը ակնկալում է հաջողակ դիմորդից ստանալ ունիվերսալ գործիք/հարթակ, որը բացի ՏԻՄ-երից հնարավորություն կտա նաև այլ կազմակերպություններին և հաստատություններին ևս իրականացնել ինքնազնահատում:

Մասնավորապես, գործիքը (հարթակը) պետք է ապահովի հետևյալ գործառնությունները.

ա/ Տվյալների ներմուծման մասով՝

- Յուրաքանչյուր ծառայության/գործառնության վերաբերյալ ցուցիչների ցանկի հիման վրա տվյալների մուտքագրման, պահպանման և վերարտադրման հնարավորություն
- Մուտքագրված տվյալների վերլուծություն, գրաֆիկների, չարտերի, վիզուալ այլ միջոցներով ներկայացում
- Ապագայում նոր գործառնություններ և դրանց համապատասխան ցուցիչների ցանկեր ավելացնելու տեխնիկական հնարավորություն:
- Նոր ՏԻՄ-եր համակարգի մեջ ավելացնելու հնարավորություն:
- ՏԻՄ-երից բացի, նոր կազմակերպություններ, հաստատություններ ավելացնելու հնարավորություն:
- Առկա այլ ինֆորմացիոն համակարգերին ինտեգրելու հնարավորություն:

բ/ Տարբեր ՏԻՄ-երի տվյալների հավաքական ներկայացման մասով՝

- Տվյալ ժամանակաշրջանում (ֆինանսական տարում) միևնույն գործառնության շրջանակներում համակարգում գրանցված բոլոր ՏԻՄ-երի տվյալների համեմատում:
- Միջինացված արդյունքի դուրսբերում:
- Տվյալ (յուրաքանչյուր) ՏԻՄ-ի՝ բոլոր տարիների ներմուծած տվյալների, արդյունքների համեմատություն:
- ՏԻՄ-ի տվյալ գործառնության արդյունքի համեմատություն ընդհանուր միջինացված արդյունքի հետ:
- ՏԻՄ-ից բացի, այլ ավելացված այլ կազմակերպությունների, հաստատությունների կողմից ներմուծված արդյունքների համեմատություն:
- Հարթակի բջջային հավելվածի ստեղծում պարբերաբար թարմացումների դեմո հնարավորությամբ:

գ/ Կրթական-տեղեկատվական հարթակ ձևավորելու մասով (bench-learning)՝

- Ինչ է հենանշման մեթոդը, ինչու է այն հարմար կիրառելու համար, ինչ օգուտներ կարող է տալ:
- Փորձի փոխանակման ու քննարկման հարթակ:
- Օգնություն սկսնակներին (ինչից սկսել և ինչպես իրականացնել հենանշում):
- Առցանց դասընթացի հնարավորություն:

Էլեկտրոնային գործիքի դիզայնը պետք է լինի պարզ, հարմար օգտագործողների համար: Այն պետք է հնարավորություն ունենա ինտեգրվելու ՀՀ ՏԿԵ նախարարության կողմից կիրառվող Էլեկտրոնային կառավարման գործիքների շարքին, մասնավորապես համայնքների համայնքների տեղեկատվում:

Պահանջվող որակավորումները

- Ծրագրավորման կայքեր, հավելվածներ ստեղծելու փորձ
- Տեղական ինքակառավարման համակարգին, հասարակական կազմակերպությունների սեկտորին ծանոթ լինելը կհամարվի առավելություն

Հետաքրքրություն հայտնող ընկերությունները կամ անհատները պետք է ներկայացնեն իրենց պատկերացումը՝ տեխնիկական և դիզայնական լուծումների վերաբերալ, ինչպես նաև գնային առաջարկ:

Պահանջվող արդյունքները

- Հենանշման աղցանց հարթակ (ինտերնետ և ինտրանետ)՝ ներառյալ ելակետային կոդը (source code)
- Աղցանց հարթակից օգտվելու ձեռնարկ և դասընթաց

Առաջադրանքի տևողություն

Առաջադրանքը պետք է իրականացվի պայմանագրի կնքման պահից մոտ 4 ամսվա ընթացքում:

Առաջադրանքի մեկնարկը՝ **նոյեմբերի 20, 2020թ:**

Ժամանակացույց

| N | Գործողություն | Իրականացման ժամանակահատված |
|----|--|------------------------------|
| 1. | Առաջադրանքի մեկնարկը | Նոյեմբեր 20-ին, 2020թ |
| 2. | Հենանշման հարթակի գաղափարի, ինտերֆեյսի, կառուցվածքի ներկայացում, քննարկում «Ուրբան» հիմնադրամի հետ, վերջնականացում | Մինչև դեկտեմբերի 20-ը, 2020թ |
| 3. | Հենանշման հարթակի պատրաստում, նախագծի քննարկում «Ուրբան» հիմնադրամի հետ | Մինչև հունվարի 31-ը, 2021թ |
| 4. | Հենանշման հարթակի լրամշակում, փորձարկում, վերջնական տարբերակ, գործարկում | Մինչև փետրվարի 15-ը, 2021թ |
| 5. | Հարթակից օգտվելու ձեռնարկի պատրաստում | Մինչև մարտի 5-ը, 2021թ |
| 6. | Գործընկեր համայնքների վերապատրաստում | Մինչև մարտի 31-ը, 2021թ |

Իրավասություն

Մրցույթին իրավասու են մասնակցել և՛ ֆիզիկական, և՛ իրավաբանական անձինք, որոնք բավարարվում են պահանջվող որակավորմանը և փորձին:

Դիմումների ընթացակարգեր

Հետաքրքրված դիմորդները պետք է ներկայացնեն տեխնիկական և ֆինանսական հայտեր:

Տեխնիկական հայտը պետք է ներառի.

- Ինքնակենսագրություն՝ համապատասխան որակավորումներով: Հայտատուն պետք է ունենա SS առնվազն վեր-ծրագրավորման նվազագույնը 3 տարվա փորձ:
- Դիմորդի նախկին փորձի նկարագրություն, նմանօրինակ փորձի/ծրագրերի ցանկ, որոնք իրականացվել են վերջին 5 տարիների ընթացքում, ներառյալ ֆինանսավորող կազմակերպության ներկայացուցչի կոնտակտային տվյալներ և ծրագրավորած կայքերի հղումներ:
- Իրավաբանական անձինք պետք է ներկայացնեն պետական գրանցման փաստաթղթերի պատճեններ:

Ֆինանսական հայտը պետք է ներառի բյուջեի հաշվարկ և հիմնավորում՝ ըստ առաջադրանքի վերոնշյալ կոմպոնենտների (առավելագույնը 1 էջ):

Հայտերի գնահատումը

Տեխնիկական հայտը կազմում է գնահատման 80%

- Համապատասխան մասնագիտական որակավորումներ 30%
- Նմանօրինակ առաջադրանքների իրականացման փորձ 50%

Ֆինանսական հայտը կազմում է գնահատման 20%:

Ֆինանսական հայտը չպետք է գերազանցի **3.000.000 ՀՀ դրամը**:

Հետաքրքրված դիմորդները պահանջվող փաստաթղթերը պետք է ուղարկեն **info@urbanfoundation.am** հասցեին մինչև **ս.թ.նոյեմբերի 16-ը**՝ թեմայի տողում նշելով «**Վեր-ծրագրավորող-Հենանշում**»: